



Istinska sreća u životu na ovom svijetu (Meka)

Hatib: dr. Bender ibn Abdulaziz Belile

10. muharemu 1445. po Hidžri / 28. juli 2023.

Zahvaljujemo Allahu, moleći Ga da nas zbog naše zahvalnosti obuhvati Svojom milošću i blagodatima. Nema boga osim Njega, uzvišena je Njegova moć, i osvjedočena je Njegova mudrost.

On je najdostojniji da se strahuje od Njegove kazne i moći.

Svjedočim da nema boga osim Allaha, jedinog, Koji nema suparnika, a kako Mu Njegova stvorenja mogu biti suparnici, i svjedočim da je Muhammed, sallallahu alejhi ve sellem, Njegov rob i poslanik, koga je On poslao sa uputom i istinitom vjerom da uputi svoj ummet, neka su na njega Allahova milost, spas i blagoslov, i na njegovu porodicu, ashabe i one koji ga slijede u dobročinstvu, i neka oni budu vječni, i nikada ne prestanu.

O ljudi, oporučujem sebi i vama bogobožnost, Dan polaganja računa i povratka Allahu je blizu. Uspavanog će iz dubokog sna probuditi smrt i njena agonija, prigrilit će ga kabur i bit će prepušten njegovoj tami, Gospodar će ga pitati i njegova najveća briga bit će odgovor na Njegova pitanja.

Bojte se Allaha i činite dobro, On vas je upozorio, dokaze vam predočio i bez isprike vas ostavio.

O vjernici, nade na dunjaluku su velike, a želje su mnogobrojne.

Želja svakog čovjeka na Zemlji je da živi sretno, zadovoljno i da ostavi lijep spomen.

Sreća je duh koji teče ljudskom dušom, i dašak koji ispunjava ljudsko biće. Vjerovanje u Allaha je njena energija, a dobro djelo je njena poputnina.





Uzvišeni kaže: "Onome ko čini dobro, bio muškarac ili žena, a vjernik je, Mi ćemo dati da proživi lijep život i doista ćemo ih nagraditi boljom nagradom nego što su zaslužili." (En-Nahl, 97)

Lijep i ugodan život na ovom svijetu, i plemenita nagrada u Kući vječnosti.

Spominjanje Allaha – zikr uzrok je sreće, radosti i zadovoljstva. "One koji vjeruju i čija se srca, kad se Allah spomene, smiruju – a srca se doista, kad se Allah spomene smiruju!" (Er-Ra'd, 28)

Onaj ko svoje vrijeme protraći u neznanju i grijesima, bit će okružen strahovima i bolom, a njegovim srcem ovladat će tuga i bolest. "A onaj ko okrene glavu od Knjige Moje, taj će teškim životom živjeti." (Taha, 124)

Allah je odredio, još kada je stvorio ljude, da strahovi budu saputnici grijeha.

O muslimani, ko bude slijedio Muhammeda, sallallahu alejhi ve sellem, Allah će njegova prsa učiniti prostranim. Uzvišeni kaže: "I zar grudi tvoje nismo prostranim učinili?" (Eš-Šerh, 1) Allah je prsa Svog Vjerovjesnika učinio prostranim, a učinit će i prsa njegovih sljedbenika prostranim onoliko koliko oni budu slijedili njegov sunnet i držali se njegove vjere.

Najsretniji čovjek je onaj ko ljudima podari dobročinstvo, pomoć, plemenitost i darežljivost. Uzvišeni kaže: "Zar nagrada za dobro učinjeno djelo može biti nešto drugo do dobro?!" (Er-Rahman, 60)

Vjerovjesnik, sallallahu alejhi ve sellem, rekao je: "Allahu najdraži ljudi su oni koji najviše koriste drugim ljudima." (Taberani)

Najljepše lice je lice dobročinitelja, a najplemenitija je ruka darežljivog čovjeka.

Šejhul-islam Ibn Tejmijja rekao je: "Sreća u komunikaciji s ljudima je da tvoj odnos prema njima bude radi Allaha, i da se nadaš Njegovoj nagradi zbog njih (tj. dobra koje im činiš), a ne njihovoj nagradi zbog svojih zasluga kod Allaha, i da se Njega bojiš zbog njih (tj. zla koje im činiš), a ne njih zbog Njega (tj. Njegove srdžbe), i da





im činiš dobročinstvo nadajući se Allahovoj, a ne njihovoj nagradi, i da se ustegneš od nepravde iz straha od Allaha, a ne od njih.”

Blago onome ko se dušom i srcem okrenuo svom Gospodaru, ne nada se ni od koga drugog osim od Njega, nisu ga zaveli dunjaluk i njegove strasti, i nisu ga obmanuli njegovi ukrasi i užici. Ako mu se nešto da, zahvali, ako mu se uskrati, strpi se, ako učini grijeh, zatraži oprost za svoj prijestup, i to je sreća za koju rade oni koji žele raditi, a koga ona mimoide, on je propao i samog sebe je prevario.

O vjernici, Allah je u Svom stvaranju odabrao dane koji ukazuju na savršenstvo Njegove moći i veličine, i svjedoče potpunost Njegove pravednosti i mudrosti, a jedan od tih posebnih dana je ovaj današnji – Dan Ašure, dan u kojem je Allah spasio Musaa, alejhis-selam, i njegov narod od faraona, i potopio faraona i njegove sljedbenike, pa je propisano da se ovaj dan posti iz zahvalnosti Allahu, i za taj post obećana je velika nagrada.

Ibn Abbas, radijallahu anhum, rekao je: “Kada je Poslanik, sallallahu alejhi ve sellem, došao u Medinu, zatekao je jevreje da poste Ašuru. Kad su ih pitali zašto to rade, oni su rekli: ‘To je dan u kojem je Allah pomogao Musaa i njegov narod protiv faraona, i mi ga postimo iz poštovanja prema Musau.’ Poslanik, sallallahu alejhi ve sellem, na to je rekao: ‘Mi smo preči Musau od vas’, a zatim je preporučio da se taj dan posti.” (Buhari i Muslim)

Poslanik, sallallahu alejhi ve sellem, rekao je: “Post Dana Ašure, nadam se, kod Allaha iskupljuje grijeh počinjene u prošloj godini.” (Muslim)

Donosite salavate na Poslanika, sallallahu alejhi ve sellem, podarenu milost i nepresušnu blagodat, to vam je naredba od vašeg Gospodara, Koji je objavio: “Allah i meleki Njegovi blagosiljaju Vjerovjesnika. O vjernici, blagosiljajte ga i vi i šaljite mu pozdrav!” (El-Ahzab, 56)

Molim Allaha da i meni i vama podari blagoslov u časnom Kur'anu, i da podari da nam koriste njegovi ajeti i mudra opomena. Rekoh ovo i od Uzvišenog Allaha tražim





"KOLIKO GOD ZNAČAJNA ULOGA HATIBA BILA ZA USPJEH NJEGOVE HUTBE,
NIŠTA MANJE NE ZAOSTAJE NI ODABIR TEME, ODNOSNO MATERIJJE
KOJU TOKOM HUTBE ELABORIRA." (PREPOROD)

HUTBE 

oprost za sebe, za vas i sve muslimane od svakog grijeha, a tražite i vi, On mnogo
prašta i On je milostiv.

